

Informacione për prindërit dhe trupin mësimor të sektorit të formimit në kantonin e Vaudit – Koronavirusi (Covid-19)

Përditësim i informacionit

Kjo faqe, që u kushtohet vendeve të formimit, shkollave dhe institucioneve të pritjes kolektive ditore para dhe passhkollore, përditësohet sipas evoluimit të gjendjes.

Versioni i 16 marsit, ora 19:08.

Cilët janë prindërit që mund të përfitojnë nga shërbimi i pritjes shkollore me kushte ?

Për të mundësuar përkujdesjen për të sëmurët dhe për të siguruar kryerjen e detyrave të domosdoshme për funksionimin e shoqërisë, disa punonjës duhet të vazhdojnë të shkojnë në vendin e tyre të punës. Për pritjen e fëmijëve të tyre, përparësi u jepet zgjidhjeve në kuadrin vetjak e të punës. Kur kjo është e pamundur, është shërbimi i pritjes shkollore me kushte që vihet në dispozicion të fëmijëve, kur prindërit e tyre janë :

- punonjës të sistemit shëndetësor ;
- punonjës të burgjeve, punonjës të sigurisë të rekizionuar dhe punonjës të ngarkuar me detyrat themelore të Shtetit ;
- punonjës që janë të detyruar të punojnë në dyqanet ushqimore dhe ato të mallrave të nevojës së parë ;
- punonjës që sigurojnë shërbimin e pritjes shkollore.

Këta prindër duhet të paraqesin nevojat për mbajtjen e fëmijëve të tyre pranë sekretarisë së qendrës në të cilën fëmijët shkollohen. Çdo fëmijë duhet të marrë ushqim me vete për vaktin e pasdites.

[PDF e shërbimit të pritjes shkollore me kushte](#)

Përse janë mbyllur vendet e formimit ?

Përballë evoluimit të gjendjes, kantoni i Vaudit, në konsultim me Këshillin Federal, ka marrë masa të jashtëzakonshme e të papara ndonjëherë në mbrojtje të njerëzve me rrezik, si ata të moshës mbi 65 vjeç, dhe në mbështetje të sistemit shëndetësor. Duke filluar nga e hëna 16 mars e deri në fund të prillit, nxënësit e arsimit të detyrueshëm e vijues, studentët dhe

arsimtarët nuk shkojnë më në vendin e tyre të formimit dhe qëndrojnë në shtëpi, me qëllim që të luftohet përhapja e virusit. E njëjta gjë vlen edhe për nxënësit e formimit profesional, në ditët e mësimet. Është me shumë rëndësi që sa më shumë njerëz të qëndrojnë në banesat e tyre. Për të mbështetur sistemin shëndetësor, në të gjitha qendrat e formimit të arsimit të detyrueshëm, do të sigurohet një shërbim pritjeje shkollore, me disa kushte, nga ora 7.00 deri në orën 18.30, për:

Përse nuk u mbyllën më parë?

Ne kemi ndjekur porositë e OFSP-së e të Mjekut kantonal. Pasi pamë zhvillimin e epidemisë në Kanton dhe pasi analizuam mundësitë tona të ndërhyrjes, ne gjetëm një zgjidhje që do të na mundësonte kalimin në mësimdhënien në largësi, pa i dërguar fëmijët te gjyshërit, apo në gjirin e një popullsie me rrezik. Shërbimi i pritjes shkollore me kushte mundëson gjithashtu mosvënien në rrezik të sistemit shëndetësor. Kështu, ne morëm me shpejtësi kontakt me kolegët tanë të kantoneve të tjerë romandë, për t'u propozuar atyre marrjen e një vendimi të përbashkët, në konsultim me Këshillin Federal.

A do të vazhdojnë mësimet ?

Po, por në largësi. Duke filluar nga e hëna 16 mars, do të ngrihet një sistem formimi në largësi, me qëllim që mësimet të vazhdojnë në shtëpi. Çdo mësues kujdestar vendos kontakte me secilën familje. Mësimdhënien në largësi do të vazhdojë të paktën deri në fund të prillit.

A do të jepen provimet ?

A do të jepen provimet ? Informacione më të sakta për provimet do t'u jepen nxënësve përkatës në ditët dhe javët në vijim.

A duhet të shkojnë në vendin e punës nxënësit në formim profesional ?

Nxënësit në formim profesional qëndrojnë në shtëpi dhe, në ditët që duhet të ishin në shkollë, kalojnë në mësimdhënien në largësi. Në ditët e tjera, ata shkojnë në vendin e punës, veç nëse punëdhënësi u jep udhëzime të kundërta me këto.

Unë punoj në shërbimin shëndetësor e prania ime atje është e domosdoshme. Nuk kam mundësi të qëndroj në banesë me fëmijët; si të veprojmë ?

Për të mos penguar veprimet e ndërmarra në kuadrin e luftës kundër virusit, fëmijët përkatës përfitojnë nga shërbimi i pritjes shkollore me kushte të arsimit të detyrueshëm, në shkollën e tyre, nga ora 7.00 deri në orën 18.30.

Unë punoj në një qendër formimi; kush do të m'i mbajë fëmijët, gjatë kohës që unë jam në punë ?

Fëmijët përkatës përfitojnë nga shërbimi i pritjes shkollore me kushte të arsimit të detyrueshëm, në shkollën e tyre, nga ora 7.00 deri në orën 18.30.

Si organizohet puna në shërbimin e pritjes shkollore ?

Në klasa me jo më shumë se 9 nxënës dhe në përputhje të plotë me rregullat e OFSP-së. Qendrat përkatëse furnizohen me sapun të lëngshëm e shami duarsh të hedhëshme dhe po qe nevoja edhe me lëng hidro-alkolik. Puna e shërbimit të pritjes bashkërendohet edhe me strukturat passhkollore. Shërbimi i pritjes sigurohet edhe gjatë pushimeve shkollore.

Si duhet të sillemi në vendet e formimit vaudeze?

New coronavirus Last updated: 6.3.2020

PROTECT YOURSELF AND OTHERS 

NEW 

Keep your distance.
For example:

- Protect the elderly by keeping a safe distance.
- Keep your distance from others in a queue.
- Keep your distance at meetings.

STILL IMPORTANT:

-  **Wash your hands thoroughly.**
-  **Avoid shaking hands.**
-  **Cough and sneeze into a tissue or the crook of your arm.**
-  **Stay at home if you have got a high temperature and a cough.**
-  **Always call ahead before going to the doctor's or the emergency department.**

www.foph-coronavirus.ch



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Uffizi federal da sanadad publica UFSP



Scan for translation

[Sit që u kushtohet](#) këshillave dhe telengarkimit të afishes « koronavirus i ri : ja si të mbrohemi »

Këshillat bazë u rikujtohen të gjithë nxënësve dhe tërë punonjësve të pranishëm që sigurojnë shërbimin e pritjes shkollore me kushte, në vendet e formimit, dhe vihen në dukje në të gjitha entet, përmes afishes zyrtare të OFSP-së ; ato janë si më poshtë :

- se është e nevojshme të lahen duart rregullisht e me kujdes, me ujë e sapun;
- se duhet të shmangët shtrëngimi i duarve ;
- se duhet ruajtur largësia / shmangur kontakti fizik nga afër
- se duhet kollitur e tështitur në shami ose në të thelluarën e bërrylit midis krahut dhe parakrahut ;
- Se në rast të pranisë së shenjave (ethe e kollë), i rrituri apo fëmija i prekur duhet të rrijë në banesë. Në rast rëndimi të shenjave, ai kontakton mjekun trajtues.

Kthimi në shërbimin e pritjes shkollore i një njeriu që ka qenë i sëmurë bëhet vetëm pas shërimit të plotë të tij, 24 orë pas zhdukjes së shenjave (ethe e kollë). Në rast rezultati pozitiv, referojuni rubrikës pyetje-përgjigje të Mjekut kantonal- [FAQ du Médecin cantonal](#).

Si veprohet nëse një i ri në formim apo një anëtar i trupit mësimor paraqet shenja të gripit ?

Në rast ethesh e kolle, i riu apo anëtari i trupit mësimor duhet të rrijë në shtëpi. Në rast rëndimi të shenjave, ai kontakton mjekun trajtues.

Si mund ta vlerësoj gjendjen time apo atë të rrethit tim ?

Le [CoronaCheck-u](#) është një mjet për të vlerësuar shpejt rrezikun tënd apo atë të rrethit tënd dhe për të ditur çfarë të bëhet (<https://coronavirus.unisante.ch/>).

A do të mbahen udhëtimet e klasave (kampet dhe ekskursionet shkollore) në Zvicër ?

Të gjitha këto veprimtari anulohen deri në fund të vitit shkollor.

A do të mbahen udhëtimet jashtë vendit?

Udhëtimet studimore, kampet dhe ekskursionet e tjera jashtë vendit anulohen deri në fund të vitit shkollor.

Mënyrat e kthimit të shpenzimeve të udhëtimeve të anuluar janë duke u studiuar.

Mos keni ndonjë pyetje për të cilën nuk keni gjetur përgjigje në këtë FAQ ?

Mund të thërrisni një nga numrat e mëposhtëm nga ora 8.00 deri në orën 17.00 nga e hëna deri të premtën :

- Pritja shkollore me kushte, shkollat private dhe veprimtaritë jashtëshkollore : **021 316 30 21**
- Mësimi në largësi dhe dhe pyetje të tjera mbi arsimin e detyrueshëm : **021 316 32 64**
- Arsimi pas arsimit të detyrueshëm (nxënësit në formim profesional, gjimnazet) : **021 316 62 95**

Për të ditur më shumë

Këshillat e [OFSP-së](#) të ripërtërira në kohë reale dhe linja “infos coronavirus” : +41 58 463 00 00 (çdo ditë, 24 orë në 24)

Hotline kantonale për t’iu përgjigjur të gjitha pyetjeve të popullsisë lidhur me koronavirusin : 0800 316 800 (çdo ditë, nga ora 8 deri në orën 20)

Për të ndjekur evoluimin e gjendjes e për të marrë përgjigje për pyetjet tuaja, shkoni në sitin <https://www.vd.ch/coronavirus> dhe në sitin e vendit të formimit përkatës.